




ՕՐԹՈՂՈՒՓՍ ԵԿԵՂԵՑԻՆԵՐԻ ՀՄԲԳՈՒՄԵՐԸ ՀՌՈՂՈՍ ԿՂԶՈՒՄ

Սեպտեմբերի 24-ից մինչև հոկտեմբերի 1-ը, Ստամբուլի Հունաց Տիեզերական Պատրիարք Նորին Սրբություն Տ. Աթենագորաս Արքեպիսկոպոսի նախաձեռնությամբ, Հռոդոս կղզում կայանում է Օրթոդոքս եկեղեցիների համագումար, որին մասնակցելու հրավիրվել էր նաև Հայաստանյայց Առաքելական եկեղեցին:

Ամենայն Հայոց Վեհափառ Հայրապետի բարձր կարգադրությամբ, հանուն Հայաստանյայց Առաքելական եկեղեցու և Մայր Աթոռ Ս. Էջմիածնի, Օրթոդոքս եկեղեցիների այդ համագումարին որպես դիտորդ և հյուր մասնակցում է Արևմտյան Եվրոպայի հայոց Հայրապետական պատվիրակ և Ֆրանսիայի հայոց թեմի առաջնորդ գերաշնորհ Տ. Սերովբե եպիսկոպոս Մանուկյանը:

Հռոդոսում, սեպտեմբերի 24-ին, հանդիսավոր իրադրության մեջ բացվում է համագումարը օրթոդոքս հունաց Ավետման Մայր եկեղեցում սուրբ պատարագի մատուցմամբ, որին ներկա են լինում համագումարին մասնակցող օրթոդոքս բոլոր եկեղեցիների պաշտոնական պատգամավորներն ու հյուրերը և բոլոր եկեղեցիների ներկայացուցիչները, ստեղծելով քրիստոնեական եկեղեցիների առաջին դարերին հատուկ սիրո և միության հոգևոր մթնոլորտ:

Հետմիջօրեի ժամը 4-ին, նույն եկեղեցում, աղոթքով և պաշտամունքով կատարվում է եկեղեցական համագումարի հանդիսավոր բացումը, նախագահությամբ Ստամբուլի Հունաց Տիեզերական Պատրիարք Նորին Սրբություն Տ. Աթենագորասի մասնավոր ներկայացուցիչ Տ. Խրիսոստոմոս միտրոպոլիտի, որն իր բացման խոսքում, ողջու-

նելով բոլոր ներկաներին, խոսում է այդ պատմական համագումարի նպատակի մասին, որ է «Օրթոդոքս եկեղեցու ձայնն ու պատգամը հասցնել իր հոտին»:

Այնուհետև համագումարի առաջին օրը ելույթներ են ունենում օրթոդոքս եկեղեցիների պաշտոնական ներկայացուցիչներ, որոնցից հետո առաջինը հանդես է գալիս Հայաստանյայց Առաքելական եկեղեցու ներկայացուցիչ գերաշնորհ Տ. Սերովբե եպիսկոպոս Մանուկյանը ողջույնի հետևյալ խոսքով.

«Հանուն Հայաստանյայց Առաքելական եկեղեցվո և Նորին Ս. Օծություն Տ. Տ. Վազգեն Ա Կաթողիկոսի Ամենայն Հայոց, կողջունենք Օրթոդոքս եկեղեցիներու այս համագումարը և ի սրտե հաջողություն կմաղթենք:

Հայաստանյայց Առաքելական եկեղեցին կաղոթի, որ համագումարին ներկայացված խնդիրները լուծվին Ս. Հոգիին առաջնորդությամբ:

Այս առթիվ, հանուն Նորին Ս. Օծություն Վազգեն Ա Ամենայն Հայոց Կաթողիկոսի, գահունակություն և սրտագին շնորհակալություն կհայտնենք Նորին Սրբություն Աթենագորաս Տիեզերական Պատրիարքին, որ ի շարս այլ եկեղեցիներու, Հայաստանյայց եկեղեցիին ալ պատիվ ըրած է հրավիրելով այս համագումարին. մենք ասիկա կնկատենք երկու եկեղեցիներու քրիստոնեական սիրո և եղբայրական զգացումին գեղեցիկ արտահայտությունը:

Ճշմարիտ է, որ դարեր, նախապաշարումներ և զանազան անհասկացողություններ թանձր վարագույրներ քաշած են Քրիս-

տոսի կեղեցիներու միջև, զրկելով զանոնք իրարու հետ սերտ հարաբերութենե և գործակցութենե, բայց կխորհնք, թե Աստուծոսները և քրիստոնեական ոգին վեր են այս բոլորին և տիրապետող պետք է ըլլան մեր հարաբերութիւններուն մեջ:

Մինչև հիմա քրիստոնեական եկեղեցիները սովոր են ընդհանրապէս շեշտ դնել իրենց տարբերութիւններուն վրա. բայց ժամանակն է, որ խորհրդի հասարակաց եղող կեանքուն վրա, որոնք շատ ավելի հիմնական են և կարևոր. այդպիսով միայն սիրո և գործակցութեան կապը կհաստատուի եկեղեցիներու միջև ու կարելի կըլլա Աստուծո թագավորութիւնը հաստատել երկրի վրա:

Հոռոտի Օրթոդոքս եկեղեցիների համագումարին մասնակցում են Ստամբուլի Հունաց Տիեզերական, Մոսկվայի, Ալեքսանդրիայի, Անտիոքի, Երուսաղեմի, Ռումինիայի, Բուլղարիայի, Սերբիայի Օրթոդոքս Պատրիարքութիւնները, Հունաստանի, Կիպրոսի, Լեհաստանի, Զեխոսլովակիայի Օրթոդոքս Եկեղեցիները:

Արևելյան եկեղեցիներից համագումարին մասնակցելու հրավիրված են Հայ, Ղպտի, Եթովպական, Ասորի և Մալաբար միաբնակ եկեղեցիները:

Որպես դիտորդ հյուր, Օրթոդոքս եկեղեցիների համագումարին մասնակցում են նաև Կաթոլիկ, Հին Կաթոլիկ, Անգլիկան, ԱՄՆ-ի Եպիսկոպոսական եկեղեցիները, ինչպես նաև Եկեղեցիների Համաշխարհային Խորհրդի ներկայացուցիչներ:

Սեպտեմբերի 25-ին, երկուշաբթի, համագումարն սկսում է օրակարգում դրված հարցերի քննարկմամբ: Համագումարի օրակարգը նախապես պատրաստվել և ուղարկվել էր Կոստանդնուպոլսի Տիեզերական Պատրիարքի կողմից:

Օրթոդոքս եկեղեցիների Հոռոտյան այս համագումարը եղել է նախապատրաստական բնույթ ունեցող ժողով, որը, հաջորդական 5—6 նիստերում, մի շարք փոփոխություններով և հավելումներով, քննարկել է օրակարգում ներկայացված հարցերը, առանց վերջնական որոշում և վճիռ կայացնելու: Այդ գործը կկատարի առաջիկայում գումարվելիք Օրթոդոքս եկեղեցիների նախա-Միևորդը, որտեղ նորից կքննարկվեն Հոռոտի համագումարում կազմված նախագծերը և օրակարգի նյութերն ու բերված առաջարկները, և վերջնականապես վավերացվելուց հետո կկանոնականացվեն և կստանան կիրառութեան մեջ:

Համագումարը քննարկել է հետևյալ հարցերը.

Ա. Հավատք և դավանանք.

Բ. Աստվածային պաշտամունք (աստվածապաշտութիւն).

Գ. Վարչութիւն և եկեղեցական կարգ.

Դ. Օրթոդոքս եկեղեցիների հարաբերութիւնները իրենք իրենց մեջ.

Ե. Օրթոդոքս եկեղեցիների հարաբերութիւնները աշխարհը մյուս քրիստոնեաների հետ.

Զ. Օրթոդոքսութիւն աշխարհի մեջ.

Ը. «Ներդրութիւն»-ը («Թողութիւն»-ը)

Օրթոդոքս եկեղեցու մեջ.

Թ. Հասարակական հարցեր.

Ր. Օրակարգի տակ դրված է մասնավորաբար Արևելյան Հին Եկեղեցիների հետ հարաբերութեան հարցը հետևյալ ստորաբաժանումներով.

ա. Բարեկամական հարաբերութիւններ միութիւն հաստատելու համար նրանց հետ.

1. Փոխադարձ այցելութիւններով.

2. Պրոֆեսորների և ուսանողների փոխանակութեամբ.

3. Եփումներով աստվածաբանական խնդիրների շուրջը:

բ. Ուսումնասիրութիւններ պատմութեան, հավատի, պաշտամունքի և վարչական կազմի սույն եկեղեցիների մեջ:

գ. Նրանց հետ գործակցութիւն.

1. Տիեզերական ժողովների մեջ.

2. Գործնական բնույթ ունեցող հարցերի շուրջ:

Հոռոտի համագումարը ընտրել է հատուկ հանձնաժողով Զաղրեբի (Սերբիա) միտրոպոլիտ Դամասկինոսի գլխավորությամբ, ուսումնասիրելու համար արևելյան Հայ, Ասորի, Ղպտի, Հաբշ և Մալաբար միաբնակ եկեղեցիների հետ հարաբերութեան և միութեան հարցերը:

Արևելյան վերահիշյալ եկեղեցիների ներկայացուցիչները երկու անգամ հանդիպումներ են ունեցել օրթոդոքս եկեղեցիների ներկայացուցիչների հետ՝ եկեղեցական միութեան հարցի վերաբերյալ և միաձայն որոշում են ընդունել, որ յուրաքանչյուր ուրույն եկեղեցի հանգամանորեն ուսումնասիրի համագումարի կողմից առաջարկված եկեղեցական միութեան հարցը, իր եկեղեցական վերին իշխանութեանց հետ, և ապա բերի այդ առաջարկը, ի պահանջը հարկին փոփոխութիւններով և նոր հավելումներով, առաջիկայում գումարվելիք Օրթոդոքս եկեղեցիների նախա-Միևորդին:

Հոռոտի Օրթոդոքս եկեղեցիների համագումարը փակվում է սեպտեմբերի 30-ին, շաբաթ օր:

Կիրակի, հոկտեմբերի 1-ին, Հոռոտի Մայր Եկեղեցում տեղի է ունենում գահաբանական սուրբ պատարագ՝ համագումարի

բարեհաջող վերջավորութիւն համար: Պատարագի ընթացքում կարգացելում է համագումարում ընդունված հետևյալ պատգամը:

«Փա՛ռք համագոյակից, կենարար և անբաժանելի Սուրբ Երրորդութեան:

Մերեցյալ եղբարք իմ և մանկունք ի Քրիստոս, շնորհք Տեառն մերոյ Յիսուսի Քրիստոսի եղիցին ընդ ձեզ:»

Այժմ, երբ մեր միակ շուրջ Քրիստոսը կամեցաւ թույլ տալ մեզ, որ մենք բոլորս միասին հավաքվենք Աստուծո հովանավորութիւնը վայելող Հոգոս կղզում և որպէս պատգամավորներ հնարավորութիւն ունենանք, մեր ունեւորի ներած շափով, վկայելու մեր Եկեղեցու մի և անբաժանելի լինելու մասին, հայտնելով մեր միասնութիւնը և դրանով իսկ արձագանքելով մեր սույն ժողովի նպատակին ու մեր գործի մասնավոր նշանակութեանը, մենք կարող ենք այսօր, խոնարհամտութեամբ և ամենայն բարեւորութեամբ, մեր խոսքն ուղղել բոլորին՝ Աստուծո կողմից առատապէս օրհնված մեր սույն հավաքույթի բարեհաջող փակման առթիւ:

Աստուծո և մարդկանց նկատմամբ մեր պատասխանատվութեան գիտակցութեամբ հայտարարում ենք, որ մենք այստեղ եղբայրական կատարյալ համերաշխութիւն ոգով քննարկեցինք մեր առաջ դրված սահմանափակ խնդիրները և միաձայն կազմեցինք ցուցակն այն խնդիրների, որոնք պետք է առաջիկայում գումարվելիք նախա-Մինոդի քննարկմանը ներկայացվին, խնդիրներ, որոնք վաղուց ի վեր մեր տեղական օրթոդոքս եկեղեցիների և առհասարակ քրիստոնյա աշխարհի մտահոգութեան առարկան էին դարձել: Այդ խնդիրներն այսօր ավելի որոշակիորեն ձևակերպվեցին և իրենց արտահայտութիւնը գտան տվյալ ցուցակում, որպէսզի ըստ պարտ ու պատշաճի ուսումնասիրվեն և քննութեան առնվին մեր առաջիկա նախա-Մինոդի կողմից և, Աստուծո շնորհիւ, համապատասխան բարեհաջող ու վերջնական լուծում ստանան Տիեզերական Մինոդում:

Մեր հավաքույթն այստեղ շատ մեծ իրադարձութիւն հանդիսացաւ: Եվ մենք ոչ մի ժամանակ չչեղվեցինք այն հիմնական մտքից և այն վստահութիւնից, թե ամենուր սփռված մեր Եկեղեցու դավալների աչքերը, այլև համայն աշխարհի ուշադրութիւնը ուղղված էին դեպի մեզ և դեպի մեր գործը: Չափազանց երկար մի ժամանակաշրջանից հետո առաջին անգամն էր, որ Օրթոդոքս Եկեղեցին իր լրիւ կազմով համախմբվեց այսպիսի ներկայացուցչական մի ժողովում: Այդ բոլոր օրերի ընթացքում, մենք՝ եկեղե-

ցիների բոլոր պատգամավորներս, խորապէս գիտակցեցինք այս իրադարձութեան կարևորութիւնը և հավատացալ աշխարհի մեծ ակնկալութեան հանդեպ մեր պատասխանատվութիւնը:

Մենք հեռանում ենք այս ժողովից մեր հավատի, մեր հույսի և սիրո մեջ առավել զորացած և վստահ Օրթոդոքս մեր Ս. Եկեղեցու միութեան ուժին:

Մենք մեր առաջ նպատակ դրեցինք ներկա ժամանակներում մեր Եկեղեցու պատասխանատվութիւնը դարձնել գիտակցական, ընդգծել մեր հավատացալների և համայն մարդկութեան կյանքին վերաբերող խնդիրները, և մենք կարող ենք բոլորին վստահեցնել, որ Օրթոդոքս Եկեղեցին կատարելապէս գիտակից է այս բոլորի նկատմամբ իր ունեցած պատասխանատվութիւններին ու պարտավորութիւններին:

Մենք կարծում ենք, որ տեղական Օրթոդոքս Քույր Եկեղեցիները, պահպանելով մեր հայրերի փրկարար հավատը, կմնան այս միութեան մեջ, որի պատկերը Ամենասուրբ և Միասնական Երրորդութեան խորհրդավոր ու գերբնական միութիւնն է Աստվածութեան մեջ: Եվ այս խորապէս ներքին ու անբաժանելի միութիւնը, ներկա պատմական դեպքում, ներկայացվեց մեր Օրթոդոքս Եկեղեցու կողմից:

Երկրի վրա Եկեղեցու գոյութեան պատկերը արտահայտված է սիրո միութեամբ, «Նոր Օրենքի» կատարումով (Յովհ. ԺԳ 14)՝ տրված Տիրոջ կողմից, որն իր սուրբ զորութեամբ մեզ պարզեց այն, ինչ անհրաժեշտ է կյանքի և բարեպաշտութեան համար (Բ Պետրոս Ա 3):

Մեր Եկեղեցին երբեք չի շինված պատերով ու տանիքով, այլ հավատով ու կյանքով: Ս. Հոգու շնորհիւ է, որ Եկեղեցու մեջ ու Եկեղեցու միջոցով յուրաքանչյուր մարդու հոգին կենդանանում ու զորանում է, և Եկեղեցին ավետում է բարի լուրը երկրի վրա. «Այլ ամենայն ինչ յԱստուծոյ որ հաշտեցուցն զմեզ ընդ իւր ի ձեռն Քրիստոսի և ետ մեզ զպաշտօն հաշտութեան», ինչպէս ասում է ազգերի աստվածային առաքյալ Ս. Պողոսը (Բ Կորնթ. Ե 18):

Այսօր, ավելի քան երբեք, կոչված լինելով կատարելու Քրիստոսի պատվիրանը, կրելու միմյանց բռնները և ապրելու այնպէս, «որպէս պարտ իցէ քեզ ի տան Աստուծոյ շրջել, որ է Եկեղեցի Աստուծոյ կենդանւոյ» (Ա Տիմոթ. Գ 15), մենք հավատում ենք, որ մեր ընթացքը ինչպէս այսօր այնպէս էլ ապագայում կլինի այն, ինչ որ եղել է մեր Եկեղեցու պատմութեան անցյալ նշանավոր դարերի ընթացքում, շինութեան

և Քրիստոսի միակ մարմնին նեցուկ կանգնելու մի ընթացք «ի փրկութիւն նուաճութեան, ի գովեստ փառաց Նորա» (Եփես. Ա 14):

Ուստի, երկրի վրա ապրող և նույն արշուները ստեղծված բոլոր մարդկանց հիգիենքի համար Աստուծո առջև մեր զգացած մեծ պատասխանատվության գիտակցությամբ տոգորված և, միևնույն ժամանակ, գտնվելով Մի, Կաթողիկէ և Առաքելական Ս. Եկեղեցու հովանու տակ՝ կատարելու համար Տիրոջ կողմից և Նրա անունից տրված սիրո պատվիրանը, մենք խնդրում ենք Ձեզ բոլորիդ, հեռավոր և մերձավոր եղբայրներ մեր, «խաղաղութիւն արարէք ընդ միմեանս» (Մարկ. Թ 49), Քրիստոսի խաղաղությունը մեր Աստուծո խաղաղությունը:

Ձորացած մեր եկեղեցիներին, նրանց առաջին հովիվների և ժողովրդի օրհնություններով ու աղոթքով, որոնց բարեպաշտ ոգու կրողներն ու թարգմաններն ենք մենք, սիրո ողջուն ենք ուղարկում Արևելքի մեր բոլոր հարգարժան եղբայրներին, որոնց հետ մենք կապված ենք հոգու և մտքի մերձավորության դարավոր ու անքակտելի կապերով: Սիրո ողջուն ենք ուղարկում նաև Արևմուտքի մեր այն եղբայրներին, որոնց հետ մենք երբեք չենք դադարել գործակցելուց, ի կատարումն Տիրոջ պատվիրանի՝ «զի ամենեքեան մի իցեն», պատվիրան, որի համար մեր Ս. Եկեղեցին երբեք չի դադարում աղոթելուց:

Այս բոլորից հետո, մենք հույս ունենք, որ մեր Տեր Հիսուս Քրիստոսով, որն իր

լրումին է հասցրել մեր հավատը, կապահանքի ինչպես մեզ, այնպես էլ ամբողջ աշխարհը իր սիրո և շնորհի մեջ, և աղոթում ենք, որ խաղաղության իշխանը՝ Հիսուս Քրիստոսը պահպանի խաղաղությունը երկրի վրա և բարի կամք պարգևի մարդկանց:

Սերը վանում է երկյուղը: Մեր Տեր Աստվածը թող փրկի իր Եկեղեցին:

Եղբայրներ մեր, «Շնորհք, ողորմութիւն, խաղաղութիւն յԱստուծոյ ի Հօրէ և ի Տեառնէ Յիսուսէ Քրիստոսէ Որդւոյն Հօր, ճշմարտութեամբ և սիրով եղիցին ընդ ձեզ» (Բ Յովհ. Ա 3):

Ամէն:

Հոկտեմբերի 2-ին, երկուշաբթի օր, պատգամավորները մեկնում են Աթենք և առաջնորդվում Մայր Եկեղեցի, ուր տեղի է ունենում գոհարանական աղոթք սիրո և քրիստոնեական եղբայրության հոգևոր մթնոլորտում:

Պատգամավորները շոյա օր մնում են Աթենքում, հանդիպումներ են ունենում միմյանց հետ, կարծիքների ազատ փոխոնակություն կատարում կրոնական հարցերի և եկեղեցական միության վերաբերյալ հիմնական խնդիրների շուրջ:

Հոկտեմբերի 6-ին փակվում է Օրթոդոքս Եկեղեցիների Հոռոսի համագումարը, որը սահմանված է պատմական մնալու ոչ միայն Օրթոդոքս Եկեղեցիների, այլև բովանդակ քրիստոնեական աշխարհի կյանքի մեջ, արդի պայմաններում որպես առաջին քայլ քրիստոնեական եկեղեցիների սիրո և միության նոր փորձերի:

